

## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

15. Miracula, vel quasi miracula fieri subinde etiam à non sanctis. Et quid inter verum & apparens miraculum intersit?

**urn:nbn:de:hbz:466:1-45686**

perstitionis sunt introductæ. 2. Quia eiusmodi judiciarijs modis Deus tentatur potius, quam eius exploretur voluntas. 3. Quia temeritas est, perere, ut Deus miraculum faciat, ad innocentiam nostram manifestandam, si non Deus ipse id fuggerat. 4. Quia hanc consuetudinem ridet Fridericus Imp. II. quam etiam iam

In leg. Long.  
lib. 2. tit. 54.  
Carol. Mag.  
in capitula-  
rib. lib. vlt.  
e. sententiam  
fang. ne cle-  
vic. &c.

prius vetuerat Lotharius Imp. in legibus Longobardorum; & illo antiquior Carolus magnus. 5. Quia, præter supra dictum Stephanum Pontificem, etiam alius Pontifex, apud Gratianum, & Lucius morem istum damnauit; *judicia peregrina & inhibitæ* ( sacris scilicet canonibus ) ea vocans. Innocentius III. certè sanxit in Conc. Generali, ne vllus Clericus purgationi aquæ feruentis, aut frigidæ, seu ferri carentis, ritum cuiuslibet benedictionis, aut consecrationis impendat. 6. Quia non tam verba huic ritui adhibita, quæ pleraque pia erant, quam res ipsa prohibebatur, quæ non erat tantum tentatio Dei, sed etiam miraculi Iudaici imitatio: quæ irrepit ad similitudinem poculi Zelotypæ, quod Moyses, apud Iudeos, Deo authore, verbis antificantibus miscuit. S. Hieronymus ait,

Num. 5. 14.

S. Hieronym.  
in 1. Reg. 16.

Hebreos tradere, quæ coram Domino, in eandem aquam maledicta congesta sint: & sicut in lege mulier Zelotypa, hausta aqua, probatur, ita & idololatra hac aqua probati sint. Hi videlicet, qui se idola coluisse penitus denegabant. Tradunt etiam, quod quicunque, idololatra hanc aquæ gustasset, labia eius ita sibi adhærent, ut nequaquam ea ab iniunctem idololatra separare posset. Quæ traditio si vera est, Deo jubente, id à Moysi factum est. At solus Deus occulta cordis nouit & indicat; solus Deus nequit, cum secreta cordium aperit indicatque, mentiri. Quia igitur veritatem sic se indicaturum spopondit Moysi, meritò fides ei adhibita est, & licet potuit modus ille seruari. Iam verò eiusmodi promissio diuina nulli aquæ facta est; præpostere itaque judicium aquæ seu frigidæ, seu bullienti committitur: stolidè creditur, aquam de se dignoscere reos atque innocentes. Genio non caret aqua, sed ingenio & judicio.

## XV.

Duo hinc video, quæ, clypei modo, possunt obtendi. Primum contingere sape miracula in eiusmodi judicijs, quæ etiam non Sancti instituerunt. Deinde ipsos etiam Santos talia judicia usurpauisse. Vtriusque exempla præsto sunt. Primi, apud Sigonium, & Almoineum, istud: *Ludonico Germania rege, Francoforti, mortuo, Canrolus*

Car. Sigon.  
lib. 5. regni

rolus Calmus Imp. & Franciarer, properè Aquas, Coloniāmq; contendit, ut Lotharingiam, qua fratrī & filiū eius Lotbarī fuerat, occuparet. Ludonicus tres filios reliquerat. Carolomannū, Ludouicū, & Carolū cognomine Crassū. Ex quibus Ludonicus, qui paterno funeri interfuerat, ubi patrum paterni regni fines ingressum, castra ad Rhenum posuisse audiuit, ira incensus, quod paternum regnum inuadere esset ausus. Francofordia copias mouit, atq; ad alterum Rheni ripam è regione con-sedit. Ibi jure primū, deinde gratia, per legatos, petita, cùm neutrū impetrasset: decem homines, cum aqua calida, totidēmque cum frigida, decēmq; alios cum ferro candente misit, jussos experiri iudicio, veri regnum illud conueniret, quod cum ipso pater suus Ludonicus, sacramento interposito, diuisset. Qui, re tētata, cùm detrimentum nullum cepissent, nihil tamen aqua obtinuerunt. Manū hi in aquam feruentem in-jecerunt partim, partim in frigidam, partim etiam ferrum candeas gestantes, nihil senserunt lāsionis. Omnia pro miraculo habeban-tur. Ut enim naturae Author innocentis manū, in aqua feruenti seruabat ab adustione innoxiam, ignis vi suspensa, sic in frigida aliquando nocentis manū vrebatur. Perinde enim illi est, seu, fri-gida vrere, seu calidam, ne vrat, impedire. Exempla talia reperiuntur; sed, vt dixi, vel excusantur sancta simplicitate, vel defendun-tur pio iustitia zelo ac tacita ipsius Numinis suggestione. Neque enim miracula Sancti tantū perpetrant; cùm miraculorum gra-tia, sit gratia gratis data, quæ non exigit necessariō Sanctos. Quip-pe multi dicent, in illa die: *Domine, Domine, nonne in nomine tuo pro-phetauimus, & in nomine tuo demonia eiecumus, & in nomine tuo vir-tutes multas fecimus?* quibus Christus respondebit: *Quia nunquā nō nosi vos, discedite à me, qui operamini iniūtatem.* Accedit, sāpe mi-racula videri, quæ miracula non sunt; sed glaucoma, & præstigia, ac fascinations oculorum; aut certè miracula impropriè dicta. Quo pacto Moysen imitati sunt magi Pharaonis; qui, quia idem fecisse videbantur, dicebantur & ipsi similiter fecisse. *Vocauit autē illa*

Italiz. Aime-  
in. 1.5. histor.  
Francor. c. 34.

Matth. 7. 22.

Exod. 7. 11.

S. Thom. i. p.  
q. 114. a. 4.

illa magicis artibus effecta simulata sint, sive vera; de quibus D. Thomas, *demones*, inquit, non possunt facere miracula propriè dicta; quia miraculum proprio dicitur, quod sit præter ordinem totius naturæ creatae, sub quo ordine continetur omnis virtus creata. Dicitur tamen quandoq; miraculum largè, quidquid excedit humanam facultatem & considerationem. Et sic demones possunt facere miracula, faciendo scilicet ea, quæ homines mirentur, eorumq; facultatem, & cognitionem excedat. Nam & unus homo, in quantum facit aliquid, quod est supra facultatem & cognitionem alterius hominis, dicit aliis in admirationem sui operis, ut quodammodo miraculum videatur operari. Sciendum tamen est, quod, licet eiusmodi opera de monum, quæ nobis videntur miracula, ad veram miraculi rationem non pertingant: sunt tamen quandoq; res veræ, sicut magi Pharaonis, per virtutem demonum, veros serpentes & ranas fecerunt. Et quando ignis de celo cecidit, & familiam Iob, unum gregibus pecorum, uno impetu, consumpxit; & turbo domum deiiciens filios eius occidit, ea fuerunt opera satanae non sanè phantastica, ut docet Augustinus de ciuitate Dei.

## XVI.

Matth. 24.

S. Augustin.  
Tract. 83. qq.  
q. 79.

Possunt igitur vtique & dæmones brachium, frigido humore, contra feruentem aquam, munire, ut aqua, eti feruida, videatur vim vrendi amittere; licet reuera non in aqua, sed in vnguento sit, quod miraculi speciem potius, quam rem continet. Vidiimus circumforaneos succis quibusdam illitas manus liquato plumbo, sine noxa, lauare. Quod mirantur, qui nesciunt virtutem vnguenti; vti & albumine ovi ligna, in flammis, illæsa in stuporem dant ignorantes. His talibus artibus non uitque & dæmon homines dementare, non tamen, nisi malo fine, innocentes; pessimo autem reos defendere. Quod Deus sapientissimo consilio permittit. Verè enim ac eruditè S. Augustinus, in illa verba: *Surgent Pseudochrishi & Pseudoprophetae, & dabunt signa magna & prodigia, ita ut in errorem inducantur (si fieri potest) etiam electi, ita scribit. Quod autem Dominus dixit, Pseudoprophetas multa signa & prodigia facturos, ita ut fallant etiam (si fieri potest) electos; admonet utiq; ut intelligamus, quedam miracula etiam sceleratos homines facere, qualia sancti facere non possunt: nec ideo tamen potioris loci apud Deum esse, arbitrandisunt. Non enim acceptiores Deo, quam populus Israël, erant magi Aegyptiorum, quod non posset populus ille facere, quod illi magi faciebant: quam-*